

1529

LOULIBÉRAOU

DÉ BONO FÉ,


OU

LA RÉVOLUTION DÈ JUIÉ

BEN JUJADO.

PER DORÉE, DÈ MANDIEUL.

Touto espigno qué pouu pas quand naï
Pouu jamai.
(*Prouerbe dis Anciens.*)



NISMES,

VEUVE GAUDE, IMPRIMEUR-LIBRAIRE.

1852.

42187

Ye

4

LOU LIBÉRAOU

DÉ BONO FÉ,

OU

LA RÉVOULUTION DÈ JUIÉ

BEN JUJADO.

XXXXXXXXXXXX

Oui , sé lis répénténs éroun toutis à Roumo ,
Mai qué d'un libéraou bén ségur i sérian :
Pécaire, coume Adam avén manja la poumo ,
Troumpas , trahis coume el per un aoutre Satou.

Despieï quinze ans entiés la Franço ére tranquilo
Soute un bén brave rei , més , hélas ! trop facile
A sé leissa troumpa ; paisibles citouiens ,
Vivian toutis hurous , bén soumés , bén counténs :
Tout én d'un co gagnas per d'argén , dé priéro ,
N'aoutris avén bani Charles déz , noste pére.
Lou puple és tan voulaje , et malurousamén
Aime (lou savés bén) qué trop lou echanjamén.

Quaou sâou dé qué fai pas lorsque creï dé miel estre !
 Cassarié, banirié, noun pas un, més cén mestres !
 A la soulo lusido, hélas ! d'un miou sor,
 Sans régarda dariés el afrounte la mor !
 Véjaqui dé qu'a fa ! Grands jours remplis d'alarmos !
 Aou beou premié signal avén prés nostis armos,
 Nous sian batus très jours. Après dé grands malhurs,
 Sus lou champ dé bataïo avén restas vaincurs.
 Vaincurs !!! Diou ! dé qu'ai di ! sian dévengus d'esclaves
 Désempieï qué nous sian battus coume dé braves !
 La victoïro és bén nostro, et n'en proufitan pas,
 Lis qué nous fasién battre are nous au troumpas.
 Oui, nous avés trompas ! quante raço perfido !
 Per vous aoutreis avén manqua perdre la vido !
 Are qué vous avén més à voste dessus,
 Misérables ! ingras ! nous régardas pas pus !
 Es ansin qu'ajoutas ou crime lis bassessos ?
 Es ansin qué ténés vostis bellis proumessos ?
 Perqué, soute lou noun tan beou dé liberta,
 Vénî dins un soul jour nous faire souleva ?

Nous disias : » Citouïens, prénés toutis lis armos,
 » Et nous aoutris après tarirén vostis larmos.
 « S'uno fés reussissen, poudés estre ségurs
 » Dé vous veïre bén leou toutis dins lou bonhur.
 » Soute un rei qué métrén, la paix et l'aboundanço
 » Maï qué jamaï (veïrés) réguaran dins la Franço. »
 Nous proumétiâs alors maï dé car qué dé pan,
 Et nous laissas ansin toutis mourî dé fan !

Nous disias qu'imitan lou grand puple dou Tibre,
 Sérian dorénavan un aoutre puple libre :
 Et vaqui cépendan qu'uno soulo résoun
 Nous pouou (l'avén bén vis) faire métre 'én prisoun ;
 Ieou, hélcou, per voulé moustra nostis miséros,
 Mé faran applica quaouquis ans dé galéros.

Nous dévias démuni toutis nostis impos ,
 Lis avés décrétras dé la mita pus gros.
 Nous proumétias dé jours dé paix et dé concordo ,
 Et vaqui cépendan pertout trouble , discordo !
 Nous disias : lou coumerce ! ah ! coume vai fleuri !
 Dé lou veïre tant beou i'aoura dé qué jouï !
 Et vésén cependan qué tout és én dérouto ,
 L'on veï pas pus , hélas ! qué fraudo et banquerouto.
 Oui , jouissén pas maou : ségur lou négoucian
 D'eïço sé souvéndra , béleou maï qué d'un an !

La lei dévié cassa lou cruel arbitrari ,
 Et vaqui cépendan qué vésén lou countrari !
 Tuën d'ounestis géns , i piën sis oustaous ,
 Per la soulo résoun qué soun pas libéraous !
 Cépendan aï léji dédins un pichot libre
 Qué v'aoutris avés fa : « chaque oupinioun és libro » .
 Nous disés qu'aquel libre és *Charto-vérité* ,
 Aï beou douvri mis ieuls , jamaï la vése pas :
 Save pas sé quicon per hasar lis engorgue ,
 Dins *Charto-vérité* vése pas qué messorgo .

Nous disias : de bujhé ! ni'aoura pas pus défouns ,
 Et vaqui qué vous fôou dés et sept céns miouns .

Dévian estre surtout én Franço toutis frères ,
 Et vésén lis enfans assassina sis péres.
 Francés contre Francés , parén contre parén ,
 Nous tuan chaque jour , per déqué ? per parén.....
 Nous batén aou vilaje , aoutant bén qu'à la vilo ,
 Et l'on crei chaque jour estre en guéro civilo .

Disias , proutéjarén chaque réligioun ,
 Et fasés rauversa lis crous dé missioun !
 Nous fasias espéra , nous proumétias sans cesse

L'éntieiro liberta per toutis dé la presso ,
 Vaqui mai qué jamaï davan lis tribunaous
 Et fésurs dé couriés , et fésurs dé journaous !
 La charto nous proumés liberta dis éscolos ,
 Et vaqui cépendan qu'aco n'és qué habiolos !
 Dévias éndamnisa lou puple , et l'or d'Algé
 Dévié diminua lou fardeou d'ou bujé :
 Dé jour én jour crésian nous aoutris dé miel estre ,
 Et nous doublas l'impos dis portos et fénestros !
 Vouias aoussi plaça la Franço nou prémier rén ,
 Et faire respecta noste gouvernemén !
 Anfin , espéravian un avenir prouspére ,
 Et n'avén vis véni qué hounte et qué misère !

Ventrus ! juste-mitan ! ô sistéme troumpur !
 Ent'és aquélo paix ? ent'és aquel bonhur ?
 Nous proumétias la paix ! eh ! baste pas la pesto !
 Car lou rei dé Houlando a bén michanto testo !
 Nicoulas l'aïme bén ; el i conte dessus !
 Et per surerois avén lou coléra-morbus !.....
 Lis Russes soun testus : lou vésés ! la Pologno !
 I faou per la guari fosse aïgo dé Cologno !
 Vaqui cé qué 'disias', et d'aquélo façoun
 En sécret servissias qué vosto ambitioum !

Contre lou noble avias qué pléntes , qué ménaços !
 Perqué pas dire alors : n'aoutris voulén sis plaços.....
 Véjaqui per déqué ménavias tant de fun ,
 Homes faous ! ambitious ! ô dous cén vint et un !
 Ieui v'aoutris sias countens , n'aoutris fuman sans pipo !
 Eh bén ! dé noste part disés douc à Philippe
 Qu'el tén pagaire aoussi tout cé qu'avié proumés ;
 Qué déspieï lou moumén qu'és lou rei dis Francés ,
 Sian (et méntisse pas) toutis à la miséro ;
 I dirés qué lou san dé nostis bravis frères ,

Réspéandu per el soul aou mitan dé Paris ,
 I démande à grands cris lou bonhur dou péis ,
 Et qué pourtant (sé veï) nullémén el s'exerce
 A nous réndre ou pus leou la paix et lou coumerce.
 Chaque jour nous vésén dins dé nouvel embouls :
 Dé tant d'insurecsiouns sén dévengus sadouls !
 D'abor qu'a tant vougu dis Francés estre méstre ,
 Perqué sé mostre pas alors digne de l'éstre ?
 I dirés qué pertout én Franço , én général ,
 Lou puple n'a pas pus , pécaïre , dé travail ,
 Et qu'eïço vaï toujours , hélas ! dé pire én pire ,
 Qu'après un miou sor tout lou mounde souspire !
 Més dé i dire aïço surtout rappella-vous ,
 Qu'aquel qué casse un rei pouu bèn nèn cassa dous.

Vaqui , puple francés , lou frui dis très journados !
 N'aoutris nous sian batus , embé sis mans lavados
 Lis véntrus soun véngus , nous an tout empougna ,
 Pécaïre , én nous leissan qué lis ieuls per ploura.

Francés , dé qu'avén fa ! dédins nostis furios ,
 N'aoutris avén banni la miou dis famios !
 Hélas ! avén cassa lou pus brave dis reis !
 Rés lou pouu pas cacha : malgré toutis lis leis ,
 Jusque sus un éfan , dédins noste caprice ,
 Misérables , avén pourta nosto maliço !
 Un éfan inoucén , lou duque dé Bourdeou !
 Dins lou cur dis Francés intre-t-i tant dé feou ?
 Tambén Diou nous punis ! désempiei tout nous manque !
 Tant n'én coste is Francés de roumpre aquélo branco.
 Avén chanja de rei !!! ah ! paoure libéraou ,
 Lou vésés , siés toumba dé la fébro ou maou caou !

Cher lecteur , t'avertisse , anarai pas à Roumo !
 Coume fosse Francés n'ai pas manja la poumo !
 Sieï ferme coume un roc dédins moun oupinioun ,

Et n'én chanjariei pas même per un mioun.
 Ai jéta d'ou vilaje un co d'ieul sur la Franço ,
 Et, bén ieun d'i trouva la paix et l'aboundanço ,
 N'ai pas vis qué malurs , troubles , calamita :
 Despiei lis très grands jours la Franço fai piéta ;
 Lou coumerce és perdu , tout tombe én décadanço !
 Més dins aquel caos vése fosse espérance !.....

